



# აშშ-ის სახელმწიფო დეპარტამენტის კრიტიკული შეფასება 2021 წელს საქართველოში ადამიანის უფლებების დაცვის მდგომარეობის შესახებ

# საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



2022 წლის 12 აპრილს აშშ-ის სახელმწიფო დეპარტამენტმა ადამიანის უფლებების მდგომარეობის შესახებ ყოველწლიური ანგარიში გამოაქვეყნა.[\[1\]](#) მასში მიმოხილულია ქვეყნები, რომლებიც აშშ-ისგან დახმარებას იღებენ, ასევე გაეროს წევრი ყველა სახელმწიფო, მათ შორის საქართველო. დოკუმენტში, ადამიანის უფლებების დაცვასთან მიმართებით გამოიკვეთა შემდეგი ძირითადი პრობლემები: სასამართლოს დამოუკიდებლობის მხრივ არსებული მნიშვნელოვანი გამოწვევები, არჩევითი დაკავებები, პოლიტიკურად მოტივირებული გამოძიებები და სამართლებრივი დევნა, ჟურნალისტების მიმართ ძალადობისა და მუქარის შემთხვევები, მშვიდობიანი შეკრებისა და გამოხატვის უფლებაში ჩარევა, და ძალადობრივი ან მუქარით ჩადენილი დანაშაულები LGBT+ პირების მიმართ.

**მართლმსაჯულების სფეროში მიმდინარე პროცესების მიმოხილვისას სახელმწიფო დეპარტამენტის ანგარიშში ერთ-ერთ ძირითად წყაროს საია-ს მონიტორინგის შედეგები და მოსაზრებები წარმოადგენს.[\[2\]](#) გარდა ამისა, არაერთხელაა ციტირებული ორგანიზაციის შეფასებები ადამიანის უფლებებთან დაკავშირებულ საკითხებზე და მოყვანილია მის მიერ წარმოებული კონკრეტული საქმეები.[\[3\]](#)**

ანგარიშში განხილულია 2021 წელს მოსამართლეთა დანიშვნების, მათ შორის, ევროპული საბჭოს პრეზიდენტ შარლ მიშელის მედიაციის შედეგად მიღწეული შეთანხმების შემდეგ უზენაეს სასამართლოში ახალი მოსამართლეების დანიშვნა, მოსამართლეთა დანიშნულებისა და სასამართლოებში როტაციის, საქმეთა გადანაწილების პრობლემური პრაქტიკა, ასევე იუსტიციის უმაღლესი საბჭოს საქმიანობაში გამჭვირვალობის ნაკლებობა და მოსამართლეთა გავლენიანი ჯგუფის - **ქართული იურიდიული ასოციაცია** - ძალაუფლება და გავლენები. საბოლოოდ, ანგარიშის მიხედვით, შეინიშნება მართლმსაჯულების სისტემის დამოუკიდებლობასა და მიუკერძოებლობაში ჩარევის შემთხვევები და პოლიტიკურად მნიშვნელოვანი საქმეების განხილვისას მოსამართლეთა მონყვლადობა, როგორც სასამართლოს შიგნით, ასევე მის გარეთ არსებული პოლიტიკური ზეწოლის მიმართ.[\[4\]](#)

# საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



გარდა ამისა, მიმოხილულია სისხლის სამართლის მართლმსაჯულების სფეროში არსებული გამოწვევები, განსაკუთრებით პანდემიის პერიოდში დისტანციური სამართალწარმოებისას. ანგარიშის თანახმად, ამ მიმართულებით გამოწვევები იყო: სასამართლოს მხრიდან დისტანციური სამართალწარმოების გამოყენების არათანმიმდევრული პრაქტიკა, პროცესების საჯაროობის კუთხით არსებული პრობლემები, ვიდეო კონფერენციების დროს ხმის და გამოსახულების გადაცემის დაბალი ხარისხი, სათანადოდ აღჭურვილი სასამართლო დარბაზების არასაკმარისი რაოდენობა და ვიდეო ოთახების მცირე რაოდენობა დაკავების იზოლაციაში.<sup>[5]</sup>

საია მრავალი წლის განმავლობაში ახორციელებდა იუსტიციის უმაღლესი საბჭოსა და მართლმსაჯულების სფეროში მიმდინარე პროცესების მონიტორინგს.<sup>[6]</sup> შედეგებზე დაყრდნობით, ყოველთვის ამახვილებდა ყურადღებას სასამართლოში  გავლენების შესახებ<sup>[7]</sup> და ადვოკატირებდა მართლმსაჯულების იმგვარი რეფორმების განხორციელებას, რომელიც არსებითად შეცვლიდა ძალაუფლების არსებულ ბალანსს და რეალურად შეუწყობდა ხელს მოსამართლეთა დამოუკიდებლობისა და მიუკერძოებლობის გაზრდას.<sup>[8]</sup> ამასთან, ორგანიზაცია პანდემიის პერიოდში აქტიურად აკვირდებოდა დისტანციურად მიმდინარე პროცესებს, მიგნებებს ასახავდა მონიტორინგის წლიურ, ასევე სპეციალურ ანგარიშებში და ადვოკატირებდა გამოწვევების გამოსწორების მიმართულებით შესაბამის უწყებებთან.<sup>[9]</sup>

გარდა ამისა, ანგარიშში ყურადღება გამახვილებულია LGBT+ თემის უფლებების მასშტაბურ შეზღუდვაზე, რაც განსაკუთრებით გამოიხატა მათი შეკრების და გამოხატვის თავისუფლების მიმართულებით 5-6 ივლისის მოვლენების დროს. მკაფიოდ არის ნახსენები, რომ სამართალდამცავმა ორგანოებმა ვერ დაიცვეს პირთა შეკრების თავისუფლება და არ დაიწყეს გამოძიება ძალადობის ორგანიზატორების მიმართ.<sup>[10]</sup> საია აქტიურად იყო ჩართული 5-6 ივლისის მოვლენების შესწავლაში, მუდმივად მოუწოდებდა სახელმწიფოს LGBT+ წევრების შეკრებისა და გამოხატვის თავისუფლების დაცვისკენ, აგრეთვე, ძალადობის ჩამდენი და ორგანიზატორი პირების წინააღმდეგ სამართლებრივი დევნის დაწყებისკენ.<sup>[11]</sup>

ადამიანის უფლებების სხვა მრავალ საკითხთან ერთად სახელმწიფო დეპარტამენტის ანგარიშში შეფასებულია ქალთა უფლებრივი მდგომარეობა. სექსუალურ და ოჯახში ძალადობასთან მიმართებით, დოკუმენტი ასევე ეყრდნობა საიას შეფასებებს.<sup>[12]</sup> სექსუალური ძალადობასთან დაკავშირებით, ანგარიში მიუთითებს სექსუალური ძალადობის საქმეებზე საგამოძიებო ორგანოების მხრიდან არაეფექტიან საქმეთა წარმოებისა და მტკიცებულებების მოპოვების არაეფექტიანობაზე. ასევე აღნიშნავს, რომ

# საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



სექსუალური ძალადობის შესახებ კანონმდებლობა ბოლომდე არ შეესაბამება საერთაშორისო სტანდარტებს.[\[13\]](#)

საია ასევე წლებია აქტიურად მუშაობს და ადვოკატირებს ქალთა უფლებების დაცვის მიმართულებით. ორგანიზაცია სექსუალური ძალადობის მძიმე შემთხვევების დროს მოითხოვს სახელმწიფოსგან მსგავსი დანაშაულების პრევენციაზე აქტიურ მუშაობას, ხოლო, დანაშაულის ჩადენის შემთხვევაში შესაბამისი უწყებების მხრიდან სწრაფი და ეფექტიანი გამოძიების წარმოებას.[\[14\]](#)

---

[\[1\]](#) U.S. Department of State,  Country Reports on Human Rights Practices, Georgia  ხელმისაწვდომია <https://bit.ly/3jzFNQG> განახლებულია: 14.04.2022.

[\[2\]](#) იქვე, გვ. 17-24.

[\[3\]](#) იქვე, გვ. 6, 13, 20, 21, 22, 25, 26, 27, 29, 34, 60, 62.

[\[4\]](#) იქვე, გვ. 17.

[\[5\]](#) იქვე. გვ 25.

[\[6\]](#) ნობაძე ნ., საქართველოს ახალგაზრდა იურისტთა ასოციაცია,  უმაღლესი საბჭოს მონიტორინგის #9 ანგარიში  ხელმისაწვდომია <https://bit.ly/3OdA4h0> განახლებულია: 14.04.2021.

[\[7\]](#) ვერძეული ს., საქართველოს ახალგაზრდა იურისტთა ასოციაცია,  სისტემის რეფორმა საქართველოში, 2013-2021 წლები  2021, ხელმისაწვდომია: <https://bit.ly/3rmSBOY> განახლებულია: 14.04.2022.



# საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



[8] საქართველოს ახალგაზრდა იურისტთა ასოციაცია, [Facebook-გვერდი], 16.12.2021, [D████████](#) მართლმსაჯულების რეფორმა - გაშვებული შესაძლებლობა ხელმისაწვდომია: <https://bit.ly/3jLlomu> განახლებულია: 14.04.2022; საქართველოს ახალგაზრდა იურისტთა ასოციაცია, [Facebook-გვერდი], [D██████████](#) რეფორმის ახალი პერსპექტივა [□](#) 21.06.2021. ხელმისაწვდომია: <https://bit.ly/3roZKhw> განახლებულია: 14.04.2022.

[9] ბოჭორიშვილი თ., ჩაფიჩაძე ფ., საქართველოს ახალგაზრდა იურისტთა ასოციაცია, [D████████](#) სამართლის პროცესების მონიტორინგის N15 ანგარიში [□](#) 2020 ხელმისაწვდომია: <https://bit.ly/3jAtgww> განახლებულია: 14.04.2022; ბოჭორიშვილი თ., ჩაფიჩაძე ფ., საქართველოს ახალგაზრდა იურისტთა ასოციაცია, [D██████████](#) პანდემიის დროს სპეციალური ანგარიში [□](#) 2020, ხელმისაწვდომია: <https://bit.ly/3uDmSuP>, განახლებულია: 14.04.2022.

[10] U.S. Department of State, [□□□□](#) Country Reports on Human Rights Practices, Georgia [A████████████████](#) ხელმისაწვდომია: <https://bit.ly/3jzFNQG>, განახლებულია: 14.04.2022.

[11] სვიმონიშვილი მ. და სხვები, საქართველოს ახალგაზრდა იურისტთა ასოციაცია, [A□□□](#) ივლისის მოვლენების ქრონოლოგია და სამართლებრივი შეფასება [□](#) 2021, 13-21, ხელმისაწვდომია: <https://bit.ly/3IRlqyX>, განახლებულია: 14.04.2022.

[12] U.S. Department of State, [□□□□](#) Country Reports on Human Rights Practices, Georgia [A□](#) 2022, გვ. 60, 62. ხელმისაწვდომია: <https://bit.ly/3jzFNQG> განახლებულია: 14.04.2022.

[13] იქვე, გვ. 60.

[14] საკანელაშვილი გ., საქართველოს ახალგაზრდა იურისტთა ასოციაცია, [D██████████](#) ჩვენი უფლებაა და უნდა იყოს ჩვენი მომავალი - ქალთა უფლებრივი მდგომარეობა საქართველოში [□](#) 2022, ხელმისაწვდომია: <https://bit.ly/3jCwSOX>, განახლებულია: 14.04.2021.